



Erediens

Geloofsbelydenis

ahv Efesiërs 1 en 4

AHV EFESIËRS 1 EN 4

Deur Christus het ons deel geword van die volk van God
soos Hy dit vooruit al bestem het.

So het Hy Hom dit voorgeneem- Hy wat alles laat gebeur volgens sy
raadsbesluit.

Daarom moet ons, die eerstes wat ons hoop op Christus gestel het, die
grootheid van God prys.

Deur Christus het ons deel geword van die volk van God
toe ons die waarheid wat aan ons verkondig is,
die evangelie van ons verlossing, gehoor het
en tot geloof gekom het.

In Christus het die Heilige Gees wat deur God belowe is, ons as die
eiendom van God beseël.

Daar is net één liggaam en net één Gees,
soos daar net één hoop is waartoe God ons geroep het.
Daar is net één Here, één geloof, één doop,
één God en Vader van almal:
Hy wat oor almal is,
deur almal werk
en in almal woon.